

## عزة النفس

ينجح قلب.. لكن ترتفع هامه  
والله امي لاموت ولا انحنى راسي  
لو رمانى زمانى وسط.. دوامه  
العواصف شديده .. والجبل راسي  
أنقل الحزن وامشي منتصب قامه  
قاسى الوقت .. لكنى بعد قاسى  
واسمع الحلم يصرخ لحظه اعدامه  
رابط الجاش ... ماهز الخبر باسى  
عزتى غاليه .. والناس سوامه  
قلت ما بيع حتى تقطع انفاسي

زانت ايام عمري .. شانت ايامه  
مارجيت العزى من رحمة الناسي  
من عجز لا يدوس الهم باقدامه  
لازم انه مع الايام ينداسي  
يندمل جرح القلب .. ماتت احلامه  
بس ما اظن يبرى جرح الاحساسى  
يوم صارت ما بين القلب والهامة  
وش ابي بالحياة اليا انحنى راسي

مساعدة الرشيدى

## كبرياء فرعون

الوفى خصمى وكرهج له باين بالصدور  
تعشقين الغدر وقلبج ماوفى بقلب (ن) حزين  
لاهيته بالغدر وأيدج بس تطعن بالضيهور  
ومدرى شنهو تستفيده لا بغيتى تطعنين  
جايده دورج ولكن ماتصيدينى بدور  
انا لامنى عشقت غصب انتى تعشقين  
والغدر اللى تبينه ما أظن عندي يدور  
لنى أملك من وصوف (ن) صعبه انج تملكين  
صبر أيوب وخداع إبليس جعله مايثور  
وقوة الفارس صلاح الدين اللى له ندين

كبرياء فرعون وحنكة حزموت والغرور  
يشبه غرور المدمر هتلى اللى تعرفين  
وبالطغاة مثل صدام العراقى ما أشور  
أتوكل وأفعل اللى شافته عين (ن) وعين  
أفهمى قصدي وعقلج لا يجى عندي يخور  
ماهو انتى يافلانه من قدر فينى يهين  
حاولو قلبج اوادم دمهم دايم يثور  
ومقدر بللى تبينه جان قصدج ماتبين  
سعد علوش

